

K29
H89
S12


中國方志叢書·第十二號

據清·周恒重修張其翮纂
清光緒十年刊本影印

廣東省

潮陽縣志

(全)



sk72/18

成文出版社印行



中華民國五十五年十月臺一版

潮陽縣志

全冊

定價：二八〇元

發行人：黃 成 男

台北郵政信箱二二六〇五號

出版者：成 文 出 版 社

台北郵政信箱二二六〇五號

印刷者：正 大 印 製 廠

三重市長生街二號之一

版權所有

內政部登記證內版台業字第一一四七號

重修潮陽縣志序

潮陽縣志之不脩於今六十餘年矣始
集邑羣材問縣志館郡得於潮典
前觀察子良剛公藍運分司柳橋方
公暨諸縣長議脩郡志捐廣為之倡
設局郡城延二三名宿主其事嗣縣桂
承

卷首張序

一

恩命觀察惠潮嘉道調署廣東督糧道
任去繼守潮者海鹽少虞朱君也既
以為郡志之脩必本縣志為依據今
各縣志大半失脩者久曷所取徵郡
志費不給且緩其役檄諸縣先具縣
志彙於時固軒周君宰潮陽延邑紳
之能文者為纂脩潮陽志之舉踰年

志彙甫成周君調任去潮陽縣桂回憲

潮嘉道任復來潮其期歲矣周君呈
新志請縣桂一言縣桂念各縣同時承
修邑志之檄而潮陽志獨能先具彙
則周君之勤於事可知周君治任將
去而尚拳拳於潮陽志之役以弁言相
敦促則周君之信於民可知在昔潮

卷首張序

二

之為縣負山濱海雄悍甲他邑物衆
地大不免牙孽之萌生若近時方臨
軒軍門所辦沙隴鄉諸案炯戒昭
耳目間唏其閔矣述者

聖教涵濡

德威遐播刀劍之佩化為牛犢椎魯之俗
澤以詩書潮邑之人彬彬乎海濱鄒

魯焉固一轉移間耳昔孔子驅車至
衛冉氏子高治民之策既庶之後曰富
之既富之後曰教之嶺南諸郡邑得
天地溫厚之氣故戶口滋豐據山海
官府之區收財產充阜不庶不富非
所患無以教民耳然則道齊之要軌
物之納移風易俗之機使化理蒸

卷首 張序

三

而日上者非良有司之責乎風俗
厚薄世代不同藍鹿洲所云以此
覘官吏牖民之誠否以此覘良莠
變化之難易胥於縣志覘之是則
聯桂所深望於有司牧之權矣若
夫山海之險隘兵防之脩舉古今異
宜水陸異用尤於此日先務之急一


事理則群蒙其福一事不理則衆
受其禍良有司下車求治攬轡而
志澄清其當必識所講求以善任一
邑之保障固無待聯桂之多言也夫
光緒十年九秋吉日

誥授中議大夫花翎鹽運使銜廣東分巡
惠潮嘉等處地方兵備道兼管水

卷首 張序

四

利驛務隨帶加六級紀錄十四次
江都張聯桂謹序



重修潮陽縣志序

潮濱大海控制粵洋東路而潮陽與海揭並稱三陽寔為瀕海剏邑海門達濠城堡相望獅山當其衝扼要備禦方今尤亟亟願規度形勢建置斥埃水陸驍

卷首朱序

勇星羅基布非攷諸志系以今澄昔曷以得要領潮陽縣志自前令孫辛唐君纂修後迄今已逾甲子時異勢殊凡天文地輿之屬人才物產之機以及政事風化之損益得失墨守舊

系又奚以措正施行往未
有謀所以續輯之者歲在
壬午余由海南移守是郡
先是今觀蔡江都張公
典郡事承前覲蔡今滇
方伯長白劉公檄修郡志
開局編纂一時搢紳先生

卷首朱序

二

授餐適彼珥筆送子迨歲
餘書弗成則以屬邑志久
不候又其長吏踐更頻煩
簿書期會之不遑奚暇治
此猶築室於基構未立棟
宇曷施用是濡遲歲月而
未由庀於成也予受之以

彰侯郡志必自修是志始
謀諸屬僚俾各籌金設局
延紳採訪次第候輯年餘
潮陽縣志先成是令黃陂
周君清序於予閱新志體
例以儆徵阮氏通志為宗
掇拾諸志補綴近事凡為

卷首朱序

三

卷二十有二原、本、允稱
賡備最余守珠崖周君方
今往因述職事至瓊時相
遇從風耳循績至是棉陽
之民亦翕然頌神君不素
以故荐卓異者再此三年
政成已擢任欽州牧而去

余因此書之成益知君之
留意於疆里扼塞風俗盛
衰將以一方紀載備

盛世輶軒之採不徒治行卓越
為此邦人士繫去思而已
余故樂為之序而具述侯
志之顛末成書之艱難以

卷首朱序

四

稔他邑之從事於此者

告

光緒十年歲在甲申季秋
之月知潮州府事海鹽朱
丙壽撰



重修潮陽縣志序

聖天子大一統車書史臣珥筆雍容
銜華佩寶下玉直省府州縣莫
不延訪績學多能之士隨時撥
輶以備輜軒使者之採况潮陽
為嶺東劇邑凡天文地輿之所
屬人才物產之所聚經政之所

卷首自序

一

繫風化之所蒸炳々赫々久成一
方紀載矣壬午秋余奉調承乏
是邑撫字之餘披閱舊乘方毅
然思有所補輶而觀察江都
張公典郡海鹽朱公檄適下
蓋前令晏君賜書嘗疊奉今
大方伯長白剛公命續修有志

焉而未逮者也於是謀之搢紳
屬所以纂修之金曰志自孫章
唐公鉤校至今且逾甲子考其
時則可矣惜未有文章品望可
以砥中流排僂謬以邑先輩林
井丹先生者從事其難哉余慨
然曰此有司責也諸君子其又

卷首自序

二

吳辭爰搜諸故家得通志一則
國朝協揆阮文達公所總裁者府
志二則輶自太尊蕭山胡公長
沙周公邑志三則故明林提學
所撰及前令海甯臧君去此六
十六年之唐君所修余彙而讀
之實有前後舛殊詳略互異而

所為人物總論且有微詞乃信
難之一言不我欺哉然而石韞
玉而山輝非砥礪所能亂也水
懷珠而川媚非魚目所能混也
潮陽素號名區英賢輩出彪炳
於省郡志書者代不乏人今者
首遵通志次依府志互證以邑

卷首自序

三

舊三志徵文考獻之大凡具矣
踵事而增則後來者之責也計
自壬午冬開局於培元堂採訪
若而月編輯若而月繁者刪之
缺者補之疑者闕之信者徵之
閱二十二月始告成共凡例一
十八條分類二十二卷余於是

覽之欣然曰自古迄今史有得
失巨及摩天斯稱手筆莽區
之海隅豈易言乎作述乃諸志
折衷類若畫一有辨謬而訂訛
無聲牙而屈諸雖未必擇精語
詳庶幾哉上省郡儲軫軒罔一
之或有佚時收掌者貳尹白君

卷首自序

四

春海總纂者城南山長嘉應張
君其翻分纂者太史鄭君邦任
孝廉王君大勳黃君庭經廣文
鄭君錫三鄭君蔭葉明經趙君
鵬翼姚君廷標編次者邑學博
梁君國士吳君爾康孝廉方正
陳君炳松分校則弟子員陳生

鍾麒蕭生雲龍鄭生安清兩考
據諸書始終以底於成則登拔
萃科之鄭君安淮若夫決去取
排僇謬以期無負

聖朝之崇實黜華及列憲訓示者
是則余之自為也例得備書
光緒十年歲在甲申季夏知潮

卷首自序

五

陽縣事新授欽州知州趙世周
恆重序



永樂十七年縣志序

明長史鄭義

郡邑之有志猶國之有史也有之則建置沿革山川
形勢風俗人物名勝古蹟瞭然在目纖悉不遺誠不
可無也潮陽濱海甲邑俗尚禮教人習詩書藹然鄉
魯之風炳今耀古第以圖志附於三陽郡志之一其
所登載弗克備舉覽之悵然恭惟聖朝混一寰宇而
輿地之著於經史子集者尚未登諸館局以仰裨乙
夜之光遂勅內臣分行天下頒降凡例監督郡邑纂
修志書要在詳悉以成一代之令典於是縣尹連江
陳時可貳尹莆田陳名高判簿藤江祝醬典幕如皋

潮陽縣志

卷首

舊序

一

鄧如真遵行惟謹延禮儒紳教諭甯化張壽鄉之耆
碩曾傳趙瑀文士許定理謝榮旁搜博采考古證今
其名勝古蹟向之失於收輯者茲得按而錄之惟境
內人物若文人才子義夫節婦凡有關於教化之類
多存名失實世遠人亡可勝痛哉然僅有可據者因
得撰次列傳類編成書貢於天府而存其稟於有司
執事者用錄諸梓以廣其傳屬予序之予謂郡邑之
志行史述之流於遠也其風氣之美與治化並隆者
固無所增損矣若風俗益淳於前而人文日興於後
又能緝績而光大之則斯志與地望殆將同垂於不

朽也予復何言

景泰六年縣志序

明訓導 李德都昌人

予嘗讀詩有曰普天之下莫非王土率土之濱莫非王臣蓋土曰王土則尺土莫非王有也臣曰王臣則一民亦莫非王有也曰土曰民既爲王所有矣而王欲遍歷天下足蹈目覽不其難乎此郡邑之志不容不修皇上欲備觀覽其可緩於是乎歲在甲戌秋皇上謂御極以來禮樂明備文教誕敷和氣充塞天地自位萬物自育山川之勝風俗之美人物之盛宮室之雄偉道德文章之光華不獨京畿爲然而天下亦

潮陽縣志

卷首

舊序

二

莫不然且近而可見者京畿也遠而難見者天下也於是勅大臣遴選進士文學之優者分歷各處採錄事實編集成書以進於朝時潮陽大尹何公晟貳尹湯公垣幕侯李君居振禮邑庠掌教尹公克贊貳教曾公杭儒士林永熙林子儀莊呈龜同予若干人於塔堂內一遵欽降凡例朝夕纂修旁求舊志參互考訂失於簡者則益之過於煩者則損之其益之損之務求合乎至當之論有其實則收之無其實則去之其取之去之豈有一毫容私於其間哉是書既成存其稿以俟將來僉謂予宜序予謂地志之修亦朝

廷之盛典也皇上萬幾之暇一覽是書則見吾潮陽山川風俗人物宮室道德文章有超於嶺南之列郡而況他邑之小乎由是則知潮陽名雖爲邑而其事蹟之盛則爲嶺南之冠原其所以然者雖曰岳瀆扶輿之所鍾實亦基於聖朝德化之所及也是爲序

成化十四年縣志序

明教授 鍾仕傑 邑人

郡邑之志所以紀其方土所有也蓋自建置之沿革分野之隸屬風俗氣候之異同疆域至到之近遠山川之形勝學校之廢興人物科貢之名土產賦稅之數城郭宮室之壯麗禮樂文章之制作靡不具載此

潮陽縣志

卷首

舊序

三

書若成周職方氏掌天下之圖籍秦之圖書漢班固之地理志唐祝穆之方輿勝覽皆是也潮陽爲邑隸於潮郡自唐吏部侍郎韓公刺潮人被詩書禮樂之化文風士習與中州齒號稱海濱鄒魯至入國朝聖化之所漸被益深故風俗益淳文物益盛視昔有加非有志以登載之後將焉考成化丙申春閩之莆陽吳侯穀由名進士來宰斯邑下車僅踰年政通人和大事興舉公餘復以纂修志書爲事以庶務叢雜弗克果就適仕傑邇以乞歸優老在家一旦乃出天恩五年朝廷遣官所采志書遺稿一帙屬予爲加考訂

並補闕遺續其方來以備來日修採之用顧予哀拙
奚克堪哉然辭弗獲命廼旁求舊志以補其全質金
石之刻以正其誤詢儒宿之言以證其實廣耳目之
所及以詳其事損其重複增其缺略刪其不宜書述
其所當書復於各目之下僭加小序以潤色之三閱
月而始成復與吳侯商榷之檢閱既久將捐俸鉅梓
以傳謂予宜序諸後予惟紫陽朱子出守南康始至
而先問郡志君子謂其知所先務也今侯之首政輒
先及此使一邑之名物有紀而先後之文獻足徵亦
可謂知所先務者矣來日移此心以佐理天下必能
潮陽縣志 卷首 舊序 四
以當務爲急而善政善教之所及益廣豈特治邑云
乎哉

宏治二年縣志序

明邑令 王 鑾 全州人

成化丁未春予筮仕潮陽拜辭大宗伯瓊臺邱先生
乃誨予曰道有升降政由俗革善治者必洞達其邑
之故典民之習尚然後政可施化可行也矧潮陽爲
邑地大民庶政繁訟劇素爲難治殫乃心力俟爾以
成余時再拜辭別謹佩斯言深慮罔堪粵自泄官以
來夙夜祇懼以圖報稱凡暇則旁詢邑志於士夫耆
德欲一閱以考故典以觀民俗以察民瘼僉曰自古

逮今未有成書刊行於時鬱然不悅者數月越明年
戊申春乃於邑故教授鍾仕傑家購出殘帙數帙蓋
教授君亦嘗欲纂輯品第意必力有不逮而未成書
也嗟夫海濱鄉魯先正舊稱而潮陽居首邑志不書
誠爲缺典尹茲邑者甯無愧耶因謀諸邑庠貳教先
生姑蘇張注鄉進士劉君寅儒士戴君罔以纂修之
咸退託不決而庠生劉巖贊之曰茲惟勝事不可辭
也於是延禮庠宮之名宦祠纂修編錄若草創若修
飾若潤色悉有其人矣余每於公餘輒往討論其間
其化則昌黎文公之舊其事則政教禮樂其賦則服
潮陽縣志 卷首 舊序 五
色器用其文則騷人學士若夫筆之削之則主之三
君子余罔攸兼也由是次簡編正訛謬斂新摘舊芟
繁補畧不必汗牛充棟而潮陽之封域山川風俗人
物貢賦科第義行文章備登具載炳炳可觀所謂因
俗之政庶幾於萬一矣噫潮陽地極東南濱海瀕山
昌黎過化極於富庶蕃衍衣冠禮樂超越於前若是
則我國家文運之盛德教之被誠駕二帝超三王矣
書成諸君子欲予爲之序並錄諸梓以行予欲無言
則大宗伯之誨託諸空言矣故書之將使來者有考
於萬古庶傳於今日甯無快乎

宏治二年縣志後序

明訓導張 注 崑山人

古者列國皆有史漢有輿地圖唐有十道圖宋有實
字記所以記國事也後世郡邑有志卽古列國史書
之類也國非史無以記國事郡邑非志又何以記郡
邑之事乎哉潮陽古稱海濱鄒魯衣冠文物之盛山
川形勢之佳爲潮之甲邑惜乎志書素無刊版以紀
其盛誠闕典也宏治戊申縣尹王公鑾貳尹梁君時
欽判簿程君文政洙政之餘病是書之缺禮聘鄉貢
進士劉君寅儒士戴君罔任纂修之責而因謬屬予
粗加槩括迺蒐輯於境內得梧州教授鍾先生仕傑

潮陽縣志 卷首 舊序

六

手錄志書一帙蓋先生致仕歸親自纂述欲刊行未
果而卒予閱是書雖云登載之詳未能無遺漏也且
又未經刊梓繼以筆削者多志尙不一以故繁簡失
宜先後失次因而散逸者又多焉予三人重閱傳記
旁采見聞因略以致詳推舊而爲新門分類別詮次
成編凡爲卷有八爲目有五十焉其縣治沿革之由
學校開創之盛貢賦物產之宜人材宦蹟之著以至
風俗之淳厚節義之昭明詩文之富麗庶乎一覽而
畢見上可以裨聖化之隆下可以悼民彝之善豈徒
資檢閱而已哉書成王公命工鐫梓以傳俾予述其

概於末後之人或有考焉亦可免於文獻不徵之懼
矣昔吳范石湖作志郡上咸薦所聞始得成書則斯
志也予之有賴於鍾先生者豈少也耶

隆慶六年縣志序

明邑令 黃一寵 晉江人

古者國必有史史氏皆世其家其權專其職重其是
非臧否進退予奪皆得以循天之制成已之直而其
所筆削亦足以信於天下漢興司馬遷蒐輯史記有
本紀世家書表列傳紀載軒轅氏以來之事而史體
始爲之一變後之言修志者宗之然嘗觀史記所陳
上下貫穿極詳且備至於吏治之循酷獨惓惓焉爲

潮陽縣志 卷首 舊序

七

之傳以論著其始末其間叙道德法令之效應灼然
不爽得非以吏者民之師帥其治行之得失固世道
之所由以汚隆耶潮陽舊有志歲久而湮自予初入
潮時卽有修輯之議會海氛爲梗武略方殷未暇及
也不踰時而樓船奏績諸有志藝文之士稍稍復其
故業予因以狀聞諸當道皆報可迺移檄學官及所
屬守禦司場諸職事令其悉稽故實以備參覈下逮
里胥耆舊各指陳其鄉土興衰聚散以及陵谷險夷
變遷之故於是禮請督學石洲林先生總其事先生
幸不以爲迂慨然任之蓋惜紀載之闕陋亦其素心

也開局於邑之別署仍以邑弟子員蕭生端漸陳生達衢林生大達陳生由衷林生靈芝董分校之役越五月而稿成分門別彙總凡若干卷首著圖經分野形勝係焉爲紀二爲表三爲志五爲傳六十有一而終之文辭上下三千載間搜輯靡遺其體裁略倣古編年之法自成一家不類時作其遺詞平易易知無佶屈聱牙之態而意自雋永其間所爲論著尤根極理要參酌時宜可以證今垂後匪徒事勦襲爲紙牘之空言已也顧予於吏治所在獨深有所感焉夫長吏奉天子明命蒞此邦而鎮撫其人民一方之升降

潮陽縣志

卷首

舊序

八

係之矣吏而賢也則政事修舉民物康阜賢才衆而風俗厚卽山川且爲之改觀易嚮而禮樂文章之屬次第而登於理無難也一不得其人則民方疾視之不暇而何職事之能稱哉是予之所爲感者也今予檄修志而志成矣凡吏茲土者姓名爵里靡不筆載其賢與否可指而悉數也予之名忝列諸縉紳之後後之閱是志者得無指以爲言如今之視昔者乎一不當於人心將交謫而罪之無所復辭是又予之所大懼而不能自己者史稱奉職循理可以爲治而黎民乂安在此不在彼蓋循酷之途殊而道法之制異

也予方惴惴然求奉職循理之未能得是志而閱之是非臧否典型具在庶乎觀省之有助而懼或可以少釋矣若曰無關於治理而特爲此以備典籍是豈特區區修輯之本意而亦非石洲先生所以存文獻而憂桑梓之義也於是乎書

康熙二十六年縣志序

國朝邑臧憲祖 廣甯人

聖天子大一統湛恩遐布東漸西被訖於無外凡親上親下之倫莫不欣榮條暢遂其生成而鼓舞於大化之中是以類族以辨物因質以披文考禹貢之書綜周官周禮之所紀載倣之史掌邦國四方之義斯志之

潮陽縣志

卷首

舊序

九

所爲作也夫以覆載之廣博縷而析之及於郡以省郡之森列縷而析之至於邑而邑之有志行且統乎郡上乎省備十五國之風以供採擇焉則彈丸下邑於志之所係洵非輕而修之誠非易易也余以康熙壬戌承乏茲邑見其士純而自好民樸而能勤風物山川清麗而秀爰撫今思昔其肇邑之久遠原隰之高下物產之盈虛人材之盛衰以至忠孝節義騷人逸士之鍾生欲爲按籍以稽而舊志則修自故明隆慶壬申之歲披覽之下雖得觀其大概而至今百有餘年其間滄桑既變矣海氛屢騰矣土俗民風不異

上御極之二十有三年

論廷臣圖山川修一統志以獻遐陬僻壤迭聽風聲豈潮陽

濱海而不敬修成書以仰副

聖天子求治若渴之至意乎雖然玉卮無當雖寶非貴華言失實雖麗亦輕董其事者正不可不其難其慎也今爲按舊乘述遺文合之父老所傳聞名人所筆載博採旁咨刪繁徵信分門析類據事直書幾閱月而告成敢口鼓吹休隆亦聊以備統乎郡上乎省列十五國之風以供

潮陽縣志

舊序

十

聖天子之採擇而海隅日出永鼓舞於大化之中無窮已也始於康熙丙寅仲冬竣於丁卯孟夏編輯者孝廉蕭君綸錫鄭君振藻明經姚君喜臣吳君紹宗也校訂者諸生林子映日陳子長民蕭子金聲也是爲序

嘉慶二十四年縣志序

國朝邑令 唐文藻 新建人

邑之有志猶國之有史體製不同而徵實考信則一春秋編年紀事法律謹嚴而一字褒貶有華袞鈇鉞之異其所以啟百代之史學者不綦大哉其大致在正人心厚風俗以示懲勸而已余學識陋陋茹古不深凡所識前言往行管窺蠡測而莫能考覈精詳綜

貫條理則欲援古証今仿效前賢是猶以莛撞鐘而莫由發其聲也然余三莅棉陽其風土民情殆知之

稔矣政事之暇流覽前志自康熙丁卯纂修後百有餘年舊板剝蝕字跡漸滅幾不可尋繹而其中之典章文物雲蒸霞蔚莫可殫述民情亦甚樸茂可喜而後歎韓公之教之入人深也海濱鄒魯不洵然乎迄今去古云遠民生日繁其醕良者固多而愚頑者亦不少欲化愚頑以歸於醕良非取邑之孝友廉節而表彰之其何以使之知所向慕知所愧勵欣欣焉曰遷善而不自知也哉夫植物不培其根則枝葉不盛

潮陽縣志

卷首

舊序

上

人生不厚其性則情致不篤有以啟發之而後至性出至性出而後天機達天機達而後發乎事業暢於言動莫不循其義理之所當然而尊君親上孝友睦婣任卹相因而至此自然之理也乙亥春余集諸賢士輯修邑志並擇端方有才能者旁搜遠覽顯微闡幽凡一切有關風教裨益地方者莫不羅而致之以構絀載然必徵求實詣不至以浮誇貽譏毛西河謂天下三不足信志其一也豈其盡然歟是故首重孝弟而民知人倫矣表揚貞節而民修帷薄矣興廉讓舉義行而民知所取予矣且通考人物以昭其盛也

博覽文藝以董其學也紀載名勝以大其觀也典章
禮樂祀事孔明山川扼要守望相助而後可漸期於
移風易俗還樸歸淳其所以鼓盪斯民以共臻於上
理者又非特以備典故矜該博已也我

國家化行俗美民物咸熙固足比隆三代而守土者與
有訓養斯民之責敢辭固陋而不以正人心厚風俗
爲急務哉

案是時採輯及分纂職名相傳爲江西舉人杜焯
邑人來賓令鄭世蘭舉人馬韶華洪遇春姚鴻禧
陳德楷恩貢林喬歲貢王錫章鄭重璧諸生陳敏
旋蕭山鄭廷楫歐陽賦云

潮陽縣志

卷首

舊序

土

重修潮陽縣志職名

監修

同知銜潮陽縣知縣新授欽州知州周恆重
總纂

知府銜陝西補用同知直隸州舉人張其翮
分纂

翰林院庶吉士鄭邦任

內閣中書銜前任羅定州學正舉人王大勳

內閣中書銜前任翁源縣訓導舉人黃庭經

內閣中書銜前任瓊州府訓導歲貢生鄭錫三

潮陽縣志卷首職名

一

六品銜應升訓導增貢生鄭蘭棻

恩貢生趙鵬翼

就職訓導歲貢生姚廷標

編次

潮陽縣教諭舉人梁國士

內閣中書銜潮陽縣訓導舉人吳爾康

孝廉方正陳炳然

分纂兼編次

就職教諭拔貢生鄭安淮

分校兼掌膳錄

附

生陳鍾麒

增

生蕭雲龍

優

附

生鄭安清

收掌

五品銜潮陽縣縣丞白春海

採訪

招

甯

司

巡

檢李維詰

門

關

司

巡

檢周琦

吉

安

司

巡

檢阮象崙

恩

貢

生黃夢華

潮陽縣志

卷首

職名

二

恩

貢

生陳樹榮

歲

貢

生吳寶

歲

貢

生姚廷材

候

委訓

導

增

貢生周禧

附

貢

生鄭植

附

貢

生黃夢青

附

貢

生余爲基

附

貢

生姚煜

附

貢

生高明

附

貢

生鄭錫光

附

生吳洪治

附

生林士翰

附

生陳衍湫

附

生鄭昌國

繪圖兼採訪

附

生蕭樹人

潮陽縣志

卷首

職名

三

重修潮陽縣志目錄

首冊

凡例

輿圖

卷一

星野 附 暑度 氣候 颶風

卷二

疆域 附 形勢 沿革

卷三

城池 附 署廨 坊巷 井泉 溝渠

潮陽縣志 卷一

目錄

卷四

鄉都 附 墟市 津梁 水利 隄防

卷五

山川 附 古蹟 潮汐 塋墓

卷六

學校

訓典 儀注 樂器 位次 廟制 祀期 學額 祭器 祭品

附名宦祠 鄉賢祠 忠義孝弟祠 節孝祠 坊表 鄉飲酒禮 書院 義學 社學

卷七

壇廟

卷八

寺觀 附 育嬰堂 養濟院 癘民所

卷九

賦役 附 戶口 田賦 倉儲 科則 屯田 耗羨 鹽法 驛傳 解放兵米 海關禁例

卷十

兵防 附 險隘

卷十一

風俗

卷十二

潮陽縣志 卷二

目錄

物產

卷十三

紀事 附 灾祥 雜錄

卷十四

職官

卷十五

選舉 附 仕宦 封贈 恩蔭 旌義

卷十六

官績列傳 附 僑寓

卷十七